

書

東坡內制集卷第六

賜大遼賀興龍節人使班荆館却回酒果

元祐二年十二月十日

有敕卿等聘事已成征驂言邁往餞於館以華其歸
仍有寵頒式昭厚眷

永定院修蓋舍屋奏告 諸帝后祝文

具嚴淨宇祇奉寢園眷恤焚燎之餘少緩增修之
役仰祈昭鑒永底燕寧

永定院修蓋舍屋祭告土地祝文

元祐二年十二月十日

伏以向因遺燼延及淨祠爰擇良辰以興衆役宜



茲遣使詔示有神

賜于閩國黑汗王進奉

登位敕書

元祐二年十一月十一日

敕卿守藩西域慕義中華

聞踐阼之新來致梯山之貢眷言忠恪良用歎咨

賜于閩國黑汗王進奉示諭敕書

敕卿遠馳信便來放貢琛載詳重譯之言深亮

元祐二年十一月十一日

勤王之意益隆褒賜以答忠誠

賜諸路臣寮中冬衣襖口宣

有敕霜露荐至衣褐未周念我遠臣何以卒歲往

元祐二年十一月十八日

均安煥之賜尚體眷懷之深

賜外任臣寮進賀

太皇太后受冊馬詔敕

敕曾布禮以正名國之舊典載閱充庭之實武將戴

元祐二年十一月十六日

后之心朕眷忠勤良深嘉歎

賜外任臣寮進奉賀

皇太后 皇太妃受冊馬詔敕

敕曾布典冊告成宮闈之慶事君盡禮因物見誠乃

元祐二年十一月二十六日

眷忠勤不忘嘉歎

賜保寧軍節度使知大名府馮京進奉賀端午

節馬詔

元祐二年十一月二十六日

敕馮京受鉞將壇剖符畿甸效充庭之駿足慶冲火
之良辰乃眷勤誠不忘嘉歎

賜資政殿學士知鄧州韓維進奉謝恩馬詔

元祐二年十一月二十六日

敕韓維廟堂均逸遠不忘君駟駿在庭儀名於物載
惟忠盡良極歎咨

賜檢校司空左武衛上將軍郭逵進奉謝恩馬

元祐二年十一月二十六日

敕郭逵惟卿耆老漸就退閑不忘戴主之誠遠效充
庭之駿載嘉忠盡良極歎咨

賜溪洞彭儒武等進奉興龍節

詔書

元祐二年十一月二十八日

敕彭儒武汝世能保境志在觀光遠修仁土之宜來
備充庭之實載惟忠恪良極歎嘉

接伴大遼賀興龍節人使送伴回程與大遼賀

正旦人使相逢撫問口宣

元祐二年十一月十七日

有敕卿等並駕使輶遠敦隣好屬風霜之凝洌歷川
陸之阻脩宜示眷懷特申問勞

趙州賜大遼賀

太皇太后正旦大使茶詔

元祐二年十一月十七日

敕卿久勤輶傳遠犯風埃春言行邁之勞良極軫懷
之意往頒珍劑以輔至和

趙州賜大遼賀

太皇太后正旦副使茶藥詔元祐二年十月十七日

敕卿遠乘使傳來講鄰懽屬此泫寒尚勗行役往
加問勞式示眷懷

趙州賜大遼賀

皇帝正旦大使茶藥詔元祐二年十月七日

敕卿遠慶春朝駕修鄰好求惟使事之重遂忘行
役之勞既極歡嘉宜申問勞

趙州賜大遼賀

皇帝正旦副使茶藥詔元祐二年十月七日

敕祖歲向晚脩途苦寒方趨造於會朝未即安於舍
館往加恩錫增重使率

趙州賜大遼賀

太皇太后正旦使副茶藥口宣元祐二年十月十七日

有敕卿等遠馳使傳方次州封念此寒凝艱於涉履
特申寵錫以示眷存

趙州賜大遼賀

皇帝正旦使副茶藥口宣元祐二年十月十七日

有敕卿等遠修聘事來會歲元眷言夙駕之勤宜有
中途之賜受茲珍品喻我至懷

相州賜大遼賀興龍節使副御筵口宣元祐二年十一月一日

有敕卿等犯寒遠道弭節近邦少休夙駕之勞式示
加遷之惠服我寵數以增使華

相州賜大遼賀興龍節使副却回御筵口宣元祐二年十一月一日

元祐二年十一月四日

有敕卿等聘事告成還車言邁改轍北道弭節近邦
眷言行役之勞宜有燕私之寵

賜皇伯祖高密郡王宗晟已下罷散興龍節

道場香酒果口宣元祐二年十一月一日

有敕卿等以恭重宗室謝馬改威蕃志存忠愛先期誕月
歸命佛乘速茲法會之成宜有分頒之寵

賜相樞密院事安燾已下罷散興龍節道場酒

果口宣元祐二年十一月一日

有敕誕彌之慶餘宇所同矧我臣工方茲燕喜宜有
柔嘉之賜以成豈弟之驛

賜齊陽郡王曹佺罷散興龍節道場酒果口

宣元祐二年十一月一日

有敕卿位重用藩望隆耆德歸誠處見死地祝壽山宜

有寵頒以昭厚眷

賜殿前都指揮使燕達已下罷散與龍節道場香

酒果口宣元祐二年十一月一日

有教卿等志在愛君忠於衛上屬誕彌之紀慶脩淨
供以祈年宜有頌寵以推勤意

內中御侍以下賀

皇帝冬至詞語元祐二年十一月十一日

伏以月臨天統首冠於三正氣應黃宮復采於七日
君道寔長陽德元亨恭惟皇帝陛下清明在躬仁
孝遍物無衣南面天何言而四時成問學西清日浴

且而群陰伏

尚夷奔走年穀順成豈惟四海之歡心

自識三靈之

必贊如川方至受命無疆妾等特罪被

庭備貞婦箴

以慶一陽之節敢陳萬歲之觴

內中御侍以下賀

太皇太后冬至詞語

伏以消長有

時候微陽之來復與萬同慶知君子之

彙征德化所

加神入並應恭惟

太皇太后陛下

下睿明天縱慈儉身先振河嶽以不頽

地無私載順

陰陽而自化天且不違成功已陋於漢

唐論德蓋高

於任如大有上言方獲助於三靈既醉

太平當純備於五福妾等職忝長御心奉
慈闈慶湯沐之用來願天壽之平格

內中御侍以下賀

皇太后冬至詞語

伏以豫豐奏功驗人和於緹室自官占物效歲美於
黃雲慶自宮庭澤均海宇恭惟

皇太后殿下輔佐內治儀刑王家推美國風夙茂周
南之化考祥義易共成坤厚之功方迎日於三微敢
稱萬壽豈獨宮闈之願實同中外之歡妾等猥
以微軀被蒙

慈渥仰獻岡陵之祝庶殫草木之誠

就驛賜大遼賀興龍節人使宴口宣

元祐二年二月十一日

有敕佳辰紀慶聘事告成申勅臣隣往就舍館同茲
衍樂服我惠慈

就驛賜大遼賀興龍節人使宴花酒果口宣

元祐二年十一月十一日

有敕卿等遠勤使傳來慶誕辰臨遣重臣往頒燕俎
仍加寵錫以示至懷

賜大遼賀正旦使副銀鈔鑼等口宣

元祐二年十一月十一日

十月二日

有敕卿等通兩國之權不遠千里驅一乘之傳來慶
三朝宜有寵頒以昭異眷

相州賜大遼賀正旦人使却回御筵口宣元祐二年

十二月十四日

有敕卿等復理歸鞍少休輔郡念北轅之首路犯西
陸之餘寒往致恩勤曾留燕衍

賜大遼賀正旦人使却回雄州御筵口宣元祐二年

十二月十四日

有敕卿等遠勤郵傳冒涉水霜眷言往復之勞已次
封圻之上宜頒嘉燕以示至懷

賜大遼正旦人使生籛口宣元祐二年

有敕卿等郵傳遠勤舍館既定宜敦主禮以禮敷徒

往錫籛牽少紓勞瘁

賜太師文彦博乞致仕不許詔元祐二年

敕彦博卿自去歲以來數苦小疾尚能勉留以輔不

逮近者神明所相體力自康視聽不衰步趨加健乃

欲求去耶今御戎之策未有定議京東西河胡蕃饑

公私枵然方與二三臣圖之卿未可以即安也

賜文彦博乞致仕不允詔元祐二年十一月二十五日

敕彦博卿歷相三宗名聞四夷位極一品書考四十

自載籍以來未之間也固當以國為家以天下為身
以安社稷為悅而不當以石丘園為樂也朕方待卿
而為政請老之言所未欲聞

送伴正旦使副沿路與賀北朝生辰并正旦使

副相逢傳宣撫問口宣

元祐二年十一月二十五日

有敕卿等銜命出使徂冬涉春適寒苦之倍常知勤
勞之加舊勉驅郵傳來迓會朝

賜大遼賀正旦入賀畢使副就驛酒果口宣

二年十一月二十六日

有敕卿等既勤闕庭少安館舍宜行慶賜以樂春朝

往致甘芳式華觴豆

賜大遼賀正旦入賀畢使副就驛御筵口宣

二年十一月二十六日

有敕卿等遠抗使旃來陳慶幣春東風之協應嘉
上日之同歡宜就驛亭往頒燕豆

賜大遼賀正旦使副前一日內中酒果口宣

二年十一月二十七日

有敕方興嗣歲既歲餘寒嘉鄰好之篤修念使華
之少駐式頒珍異以示眷懷

賜大遼賀正旦却回班荆館御筵口宣

元祐二年十一月二十二日

月二十七日

有敕卿等聘事既成歸途方啓言念改轅之始少留
悵飲之歡往推恩勲下及徒馭

賜大遼賀正旦朝辭訖歸驛御筵口宣元祐二年二月二十七日

有敕卿等寓館又勤廷庭告去不暇壺觴之樂曷為
徒馭之華服我恩私少留宴衍

賜大遼賀正旦朝辭訖歸驛御筵酒果口宣元祐二年二月二十七日

有敕卿等聘事告成歸車夙駕屬此寒凝之末春言

往返之勤錫此珍芳以將寵遇

賜大遼賀正旦使副春幡勝口宣元祐二年二月二十九日

有敕剪刻之工風俗惟舊眷皇華之在館屬春陽之
肇新宜有分頒以增賁飾

賜大遼賀正旦使副射弓例物口宣元祐二年二月二十九日

有敕卿等出遊禁籞觀藝射侯弓矢既均禮儀本度
宜加寵賜以侑燕歡

皇帝回大遼皇帝賀正旦書元祐三年

獻歲發春方祝永年之慶睦隣敦好益修奕世之歡
信幣精華書詞溫綉再維雅契良極欣悰

皇帝達

太皇太后迴大遼皇帝賀正旦書

元祐三年

正歲履端遠勤於華使 慈闈申慶重領於珍函首
侍之餘誠言已達永惟欣感莫究言宣

永安永昌永熙永裕陵忌辰奏告

宣祖 太祖 太宗 神宗皇帝表本

元祐二年十一月十一日

月二十七日

伏以卜年之永恩洽於華夷諱日之臨感深於臣子
恭惟 謚號皇帝文武經世威靈在天每更 不樂之
辰尚有遺弓之慕泰山陵永望雨露增懷

永安永昌永熙陵忌辰奏告

昭憲 孝惠 孝明 孝章 淑德 懿德

明德 元德 章懷 章稷 章懿 章惠

章駸明肅皇后表本 元祐二年十一月十七日

用周南之化刑恭儉於多方渭北之游極望思於

原廟恭惟 謚號皇后道應圖史德參聖神顧明發

之求懷仰徽音之如在載瞻闈寢想見衣冠

皇太后殿內人為

神宗皇帝忌辰朝永裕陵表本 元祐二年十一月十七日

伏以百年之畏化被於無疆終身之憂感深於不樂

恭惟 謚號皇帝德齊堯禹功陋漢唐道蓋始於正
家謀方貽於燕翼追攀罔極慨慕徒深

西京奉安

神宗皇帝御容禮畢西京德音 元祐二年十一月十四日

門下朕以寡昧仰繼 聖神顧瞻山陵未忘弓劍之
慕益廣宗廟以奉衣冠之游祇遣輔臣往嚴像設敬
鳳臺之仙宇祭龜洛之仁祠睟表一臨陪京增重山
川以邑方貢輝而效孫父老縱觀或大息而流涕宜
誼心南之澤以答神人之心於戲好生育物既推
文身之慈崇德措刑終成 神考之志資爾有衆宜

體朕懷

賜中大夫守尚書右丞王存生日詔 元祐三年正月四日

教王存卿以宏才與聞大政誕日之慶豈惟閨庭寵
錫之隆庶延壽緜

瀛洲賜大遼賀正旦人使回程御筵口宣 元祐三年

五月

有敕卿等來修舊好遠冒祁寒涉歷冬春服勤郵傳
式頒嘉燕以答久勞

賜試戶部侍郎趙瞻陳乞便郡不允詔 元祐三年

十三日

敕趙瞻朕哀願者舊言取其宿望養育後又待其成材
庶前後相繼朝不之入則堂陛自隆國有所恃之今
在廷之士孰非華髮之良而卿以康強之年為遠引
之計於義未可蓋難曲從

賜保州團練使潞州總管王實進奉慈闈壽

任馬教書元祐三年五月七日

敕王實汝以選掄出外憂守來放充庭之駿以將
上之誠再省忠勤良深嘉歎

賜符寧軍節度使知人府馮京進奉壽

并冬至正旦馬詔元祐二年二月二十五日

敕馮京震夙之祥旅庭稱慶歲時之會因物效誠乃
眷元臣實勤典禮多儀茲舉厚安歎不忘

賜外任臣寮進奉謝恩馬詔敕元祐三年二月二十六日

敕銜思思報因物致誠效茲乘服之良示有驅馳之
志永言忠盡良極歎咨

賜外任臣寮進奉血龍節功德疏詔敕元祐三年二月二十六日

二十

敕誕彌之慶中外所同畢翰衛上之誠來獻後天之
祝永言忠盡良極歎咨

賜宰相呂公著上第一表乞致仕不允批荅

三年二月二十八日

百表具之古者世臣壁戶之喬木粵自拱把至于棟梁傑然群材之中夫豈一日之力卿擢爵任祖追茲四朝光輔朕躬允有一德不獨卿無心而事自定抑亦民既信而功易成方今布在朝廷豈無豪傑之士猶當養以歲月待其德望之隆卿雖欲歸執未可去宜安厥位以副朕心

賜宰相呂公著上第一表乞致仕不許批荅

監表具之卿三世將相一時耆龜不求備以取人則房喬之比其經遠而無競有謝安之風用能乎輯我

家靖共爾位政在元老人無異詞胡為厭事而未歸不復為國之長慮方今官冗財匱歲艱民貧天步難安國是未定若方勤於樸斷而遽易於工師入其謂何勢必不可告老之請吾未欲聞

賜宰相呂公著上第一表乞致仕不允批荅呂宣

元祐一年三月二十九

有敕朕以冲眇垂拱仰成卿以耆老圖任共政無故而去於義未安

賜宰相呂公著上第一表乞致仕不許斷來章

批荅元祐二年三月二十九日

覽表具之難進易退固君子之常節又勞思逸亦老
者之至情然心存社稷則常節為輕身繫安危則至
情可奪惟卿體國豈待多言苟大義之未安雖百請
而何益宜安取位勿復此心

賜宰相呂公著上第二表乞致仕不允斷來章

批卷

元祐三年
三月二十九日

覽表具之宰相不自用人主不自為予欲識人物之
忠邪故以卿為水鏡子欲知利害之輕重故以卿為
權衡苟明此心雖老猶壯與其輕去軒冕獨善其身
孰若優游廟堂兼享其樂益敦此義勿復有云

賜宰相呂公著乞致仕不允斷來章批卷口宣

元祐三年
四月一日

有救卿望重搢紳義均休戚如左右手可須更離雖
屢表形於懇詞必難移於朕意

除呂公著特授守司空同平章軍國事加食邑

實封餘如故制

元祐三年
四月四日

門下仁莫大於求舊智莫良於用衆既得天下之大
老彼將安歸以至國人皆曰賢夫然後用今朕一舉
仁智在焉宜告治朝以孚大號金紫光祿大夫守尚
書右僕射兼中書侍郎上柱國東平郡開國公食邑

七千一百戶食實封二千三百戶公著許謨經遠
精識造微非堯舜不談皆聞其語以社稷為悅今元
其心三年有成百揆特敘維乃烈考相于昭陵蓋
清淨以寧民亦然謙而得士凡我儀刑之老多其賓
客之餘在武丁時雖莫望於前列作召公考固無易
於象賢而乃屢贊封章力求退避朕重失此三益之
友而閔勞以萬幾之煩是用遷平王之司釋文昌之任
毋廢議論時遊廟堂於猷大事雖咨於房喬非如
時莫能果斷而德無逾於耶令而裴度亦寄安危
居伊斯人尊義唐世可特授司空同平章軍國事

加食邑七百戶食實封三百戶餘如故仍一月三赴
經筵二日一朝因至都堂議軍國事

除呂大防持授太中大夫守尚書左僕射兼門

下侍郎加上柱國食邑實封餘如故制元祐二年四月四日

門下朕聞天子有道其德不可得而名輔相有德其
才不可得而見故漢之文景紀無可書之事唐之房
杜傳無可載之勲當時安榮後世稱頌予欲清心而
省事不求智名與勇功天縱顯思將啓承平之運民
亦勞止爾聞休息之期眷予元臣咸有一德咨爾百
辟明聽朕言中大夫守中書侍郎往國及郡開國公

食邑二千二百戶食實封三百戶賜紫金魚袋呂大
防造道源深受才宏毅果藝以達有孔門三子之風直
大而方得坤爻六二之動久踐左闈蔚為名臣宜升左
輔之崇兼綜東臺之務加賦進秩寵數益隆得位興
時憂責彌重於戲若古有訓無競維人崔公建中之
風以除吏八百而致裴均元和之政以薦士三十而
能惟公乃心何遠之有可特授太中大夫守尚書左
僕射兼門下侍郎加上柱國食邑七百萬戶食實封三
百戶

除范純仁特授太中大夫守尚書右僕射兼中

書侍郎進封高平郡開國侯加食邑實封餘如

故制元祐二年

門下朕惟朝廷之盛衰常以輔相為輕重若根本疆
固則精神所衝故為呂臣奉已而不在民則晉文無
復憂色汲長孺直諫而守死節則淮南為之寢謀朕
思得其人付之以政使天下聞風而心服則人主無
為而日尊咨爾在廷咸聽朕命中大夫同知樞密院
事上柱國高平縣開國伯食邑九百戶食實封二百
戶賜紫金魚袋范純仁器遠任重才周識明進如孟
子之敬王退若蕭生之憂國朕覽觀仁祖之遺迹

永懷慶曆之元臣強諫不忘嘉祐孫之有後我心是
以命召虎以來宣雖兵政之與聞疑遠猷之未究坐
論西省進貳文昌增秩益封兼陪異數於盛時難得
而易失民難安而易危子欲守在四夷以汝爲偃兵
之姚宋子欲藏於百姓以汝爲思民之蕭曹思古
人以稱朕意可特授太中大夫守尚書右僕射兼中
書侍郎進封高平郡開國公加食邑七百戶實封三
百戶勳如故

東坡內制集卷第六

東坡內制集卷第七

賜新除守司空同平章軍國事呂公著辭免恩

命不允詔

元祐三年四月六日

敕公著委重元老朕之本心歸安丘園卿之素志今
於二者酌處其中使卿獲居勞逸之間而朕不失仰
成之託於義兩得夫復何辭

賜新除太中大夫守尚書左僕射兼門下侍郎

呂大防辭免恩命不允詔

元祐三年四月六日

敕大防端揆黃門之任虛之久矣以卿德望兼重
才術有餘故授之不疑渙號已行僉言惟允務稱

朕命何以詞為

賜新除太中大夫守尚書右僕射兼中書侍郎

范純仁辭免恩命不允詔

元祐三年四月六日

敕純仁國之安危寄於宰輔朕豈苟然而輕授也哉
試之以事而不移斷之於心而不貳成命已出豈容復
回往修厥官以稱朕意

賜知乾寧軍內殿承制張赴契諭敕書

元祐三年四月十八日

敕張赴橫流之災所在蒙害惟吏得其人則公私賴
之使者列上旨司不以時聞歲月既遠予猶汝嘉故
茲獎諭想宜知悉

宣詔許內翰入院口宣

元祐三年四月十九日

有敕汝拔自循良老於文學禁林之命儒者所榮往
祇厥司以究所蘊

賜觀文殿大學士光祿大夫知永興軍韓績三

上表乞致仕不許斷來章詔

元祐三年四月七日

敕韓績夫任天下之責者無自營之私蒙國士之知
者有非常之報矧卿德望兼重體力猶強方資嚮侮
之止猷焉用引年之常禮宜安厥位毋復言歸

賜觀文殿大學士光祿大夫知永興軍韓績三

上表陳乞致仕不允斷來章詔元祐三年四月七日

敕韓頴朕體貌諸老儀刑四方假以方面之安略其筋力之禮如卿屢請固無懷祿之嫌而朕固留宜有忘歸之意今中外無事民物小康顧恐安車之榮未逾坐嘯之樂朕命不易卿其少安

賜新除太中大夫守尚書右僕射兼中書侍郎

范純仁再上劄子辭免恩命不允詔元祐三年四月七日

敕純仁卿奉事先帝義深愛君與政西樞論不阿世昔聞汲黯之不奪今見徐公之有常參以衆言蔽自朕志右宰之任非卿而誰屢執謙詞殊非所望

賜新除依前中大夫守中書侍郎劉摯辭免恩

命不允詔元祐三年四月七日

敕劉摯朝廷設三省建丞弼雖所治不同至於因時立政昭德塞遠其實一也卿既任其事矣今以次遷無異詞者

賜新除依前中大夫守尚書左丞王存辭免恩

命不允詔元祐三年四月七日

敕王存卿學足以經邦才足以應務更練愈久開益居多以積日而稍遷顧金言之咸允國之常典何以詞登

賜新除中大夫守尚書右丞胡宗愈辭免恩

命不允詔元祐三年四月七日

敕宗愈卿音在諫垣首開正論出入滋久操守不回
雅尚在人既非一日之積歷試而用亦自群言之公
往祇取官母替朕命

賜新除依前中散大夫充樞密直學士簽書樞

密院事趙瞻辭免恩命不允詔元祐三年四月七日

敕趙瞻朕惟本兵之地司命吾民矧羗戎叛服之無
常安且邊鄙安危之未决豈以此柄輕授其人以卿
望系主摺紳學兼文武歷試而用衆言允諧往踐朕

宜如違朕命

賜新除門下侍郎孫固辭恩命不允詔元祐三年四月八日

敕固朕惟三朝老臣義同休戚先帝舊學存者
幾人意其風采之從聳聞可使朝廷之增重矧卿德
望主系著寄任已隆昔冠西樞今貳東省衆以為允義
無二

劄子

臣人丁月八日往內批安燾詞免轉右光祿大夫劄子

降切不許臣竊謂人主之馭群臣專以禮義庶庶若
使無名之寵則為待臣子之輕今朝廷豈以執

政六八人五人進用故加遷秩以慰其心盡位冠西樞
委空可至重豈肯見人推用即以介懷既無授受之名
僅似姑息之政縱有先朝故事亦是一時誤恩今
盡力詞正為知義臣欲奉命草詔不知所以為詞伏
望聖慈從其所請若除受別有緣故即乞明降指
揮止可於義稍安敢不撰進取
進止

御案具批可且用一意度作不許辭免詔書進入

賜新除右光祿大夫依前知樞密院事安壽

辭恩命不允詔

元祐三年四月八日

敕安壽婦謀國之志歷年于茲紀綱修明中外寧輯
天圖任共政所憂者大則久勞遷秩亦理之常雖固
執於撝謙恐難回於成命往服休寵以彰眷懷

賜新除中大夫守尚書右丞胡宗愈辭免恩命

不允詔

元祐三年四月十五日

敕宗愈卿更涉夷險踐敷中外出奉使指而民宜之
入治天官而吏畏之非獨能言者也書不云乎敷奏
以言明試以功朕待之矣卿其勿辭

賜新除依前中散大夫左樞密直學士簽書樞

密院事趙瞻辭免恩命不允詔

元祐三年四月十五日

救趨瞻朕之進人可謂難矣自非耆老久次惴惴無
華則樞機之任不以輕授卿之自視何愧於斯祇服
庶官思所以稱而已

賜正議大夫知樞密院事安燾辭免遷官恩

命允詔元祐三年四月十五日

救安燾卿國之雋輔位冠樞庭以時在選豈待功闕
而能力詞寵命欲以身率羣臣使廉匪相先名器益
重勉從來請以篤此風

賜新除中大夫守尚書右丞胡宗愈辭免恩

命不允詔元祐三年四月十五日

故宗愈朕之用卿蓋聽其言考其行事參之公議而
斷自朕心可謂審矣而卿固辭不已朕其惑之夫小
人以位為寵求之而不可得君子以寵為憂推之而
莫能去自古以然卿何疑哉

內中御侍以下賀 太皇太后手節詞語元祐二年十一月一日

伏以太族旋宮既贊揚而出滯句芒司歷方布德以
緩刑恭惟太皇太后陛下化始六宮風行九有捐財
振廩救民溝壑之中求賢審官拔士茹茨之下方履
端之資始膺景福於無疆妾等幸侍禁嚴粗供
婦職願獻岡陵之壽少輸草木之誠

內中御侍以下賀

皇帝年節詞語 元祐二年二月一日

伏以齊七政於璣衡天人並應受三朝之圖籍和海外
來同恭惟皇帝陛下至仁無私神武不殺祖述堯帝
歷象以授民時儀刑文王正家而齊天下方肇新
於歲律宜嚮用於神休妾等幸侍禁嚴仰陶化
育願上萬年之壽永膺百順之祥

內中御侍已下賀

皇太后年節詞語 元祐二年二月一日

伏以三元資始璣襍以饒餘寒萬寶更新燭烈以興

無歲恭惟皇太后道光瀉沛德配周南輔導兩朝孝
慈格於上下儀形九御恭儉聞於邇遐順履三陽誕
膺百祿妾等幸班禁掖久被餘光莫報生成之恩但
祝靈長之筭并

班荆館賜大遼賀興龍節人使回程御筵口宣

元祐二年十二月六日

有敕卿等已事言旋改轅茲始冒寒遠涉軫念良深
少憇近郊復陳燕豆

班荆館賜大遼賀正旦人使到關酒果口宣

元祐二年十二月十日

有敕卿等遠修隣好來會歲元又涉冰塗少休郊館
宜頒芳旨以勞驂駢

賜新除守尚書右僕射兼中書侍郎范純仁上

第一表辭免恩命不允批荅元祐二年四月十二日

覽表具之夫有烏獲之力然後可以付千鈞有和扁
之功然後可以寄死生故宰相之任非所以寵人臣
也無其德而當之為不智有其材而辭之為不仁若
卿之才德亦可謂稱矣往思其受以稱天下之望

賜范純仁上第一表辭免恩命不許批荅元祐二年

四月十二日

覽表具之吾聞之乃烈考曰君子先天下之憂而憂
後天下之樂而樂雖聖人復起不易斯言卿將書之
紳銘之盤盂以為一言而可以終身行之者歟則今茲受
立之命乃所以委重投艱而已又何辭乎

賜新除尚書左僕射呂大防尚書右僕射范純仁辭

免恩命不允批荅元祐二年四月

有敕卿望重搢紳才無文武湯亮之選中夙尚然每或固辭以稱朕意

賜新除司空同平章軍國事丁呂公著上第二表

辭免恩命不許斷來章批荅元祐二年四月十二日

省表具之夫國以得人為彊如猛獸之衛藜藿以

積賢為寶如珠玉之茂山川湛然無為物自蒙利故
崔公發議則滿青慙服知朝廷之有人蜀使抗詞則
孫權回顧歎張昭之不在得失之效豈可同日而語
哉朕之用卿意實在此國計之重可無復詞

賜新除司空同平章軍國事呂公著上第二

表辭免恩命不允斷來章批荅元祐三年四月十二日

省表具之周之詩曰無曰予小子居公其似唐之雅
曰惟西平有子惟我有臣夫父子君臣之間光明盛
大如此載之簡策被之金石豈獨閨門之寵足為
邦國之華再省來章具陳先烈雖朕寡昧不敢

庶幾於仁祖而卿忠孝當念服勤於世官祇率厥常
毋違朕命

賜呂公著辭恩命上第二表不允斷來章批荅

口宣元祐三年四月十二日

有教卿以全德式符具瞻宜與師臣共為民表欽承

明命佇聽嘉謨

賜新除守尚書左僕射兼門下侍郎呂大防上

第二表辭免恩命不許斷來章批荅元祐三年四月十二日

省表具之卿有夷狄盜賊之虞倉廩禮樂之歎陰
陽風雨之憂此三者誠當今之大計朕之所以中夜

不寐輟食大息者正爲此也孟子曰責難於君謂之
恭夫既以責其君而不以身任之者非仁人也願卿
慨然當古人之重略世俗之譙務踐斯言愛此二者
賜呂大防上第二表辭免恩命不允斷來章批
荅元祐三年四月十二日
省表具之夫任賢使能天下之公義而詞大就小君
子之自守也惟名器爵祿朕所不敢授以私則勞謙
退避卿豈得必行其意所謂唐虞三代信任之至
以致稷契伊呂德業之隆若卿之言朕敢不勉諸
事斯語求觀厥成

賜許除中尚書右僕

光兼中書侍郎范純仁上

第二表辭免恩命不

許斷來章批

省表具之卿以明哲自許不能非獨以見君子勞謙
之光亦因以知前世用人之弊功烈無取誠如卿言
夫次公城於治郡子元不如爲村非獨文獻不足蓋
其才德有備如卿昔在朝廷首談孟軻之仁義旋爲
帥守車行羊祜之威信慨有大志似其先人苟推此
心施于有政則太平可望而小節可略矣

賜范純仁上第二表辭免恩命不允斷來章批

荅元祐三年四月十三日

省表具之自昔 先帝之世屢歎才難及朕嗣位以
來專用德選雖爵祿名器出於獨斷而長育成就
實在群公長短不遺輔弼之責苟無為國之養人之
意必有臨事之使之憂朕用慨然嘗食不御思得英
雋之老共收文武之用惟 卿為於憂國明法知入灼
見朕心宜在此位往往天下之重事匹夫之廉
賜旌純仁呂太防
章批荅曰宜
有教卿以宏材又聞
連拜 弟以頌謙遜
元祐三年四月十三日

賜新除依前正議大夫守門下侍郎孫固辭免
恩命不許斷來章批荅
省表具之卿奉事 先帝有勸學之舊與聞機政有
已試之功固非躐等之遷獨恨用卿之晚勉徇大義
母事小廉

賜孫固辭免恩命 不允斷來章批荅
省表具之卿向自西樞山殿藩服頃由近輔入侍燕
間昔有未識之恩今乃日聞其語既見君子無踰老
臣當益勵於初心尚何可於新命
賜新除門下侍郎孫固辭免恩命不允斷來章

批荅口宣

元祐三年四月十四日

有敕卿金華雋老西垣舊臣與政東臺實慰輿議
祇膺成命母復固詞

賜新除依前中大夫守中書侍郎劉摯辭免恩

命不許斷來章口宣

元祐三年四月十二日

省表具之卿蹈道深志守節淳固雖不留於儻來之
物而有志於行可之仕樂告以善勇於敢為進不求
當世之名退不叛平世之學未嘗為枉尺直尋之事
夫豈有見得忘義之嫌哉母復過詞往踐乃事

賜劉摯辭免恩

命不允斷來章批荅

元祐三年四月十二日

省表具之朕纘服之初卿言責是任歷陳治道之要
以立太平之基朕欲公其言遂授以政歲月未幾紀
綱畧陳欲究觀心術之微宜擢居政本之地苟無愧
於允蹈豈不賢於力騷往服官箴勿違朕命

賜劉摯辭免恩命不允斷來章批荅口宣

元祐三年四月

有敕稽參衆言竊自朕志西省之貳無以逾卿函踐
厥官母煩固避

賜新除依前中大夫守尚書左丞王存辭免恩

命不許斷來章批荅

元祐三年四月十二日

省表具之夫志大有遠器博無近用以卿忠義開濟何施不宜今以次遷何足辭也益堅無倦之意以觀可久之業

賜王存辭免恩命不允斷來章批荅

元祐三年四月十二日

省表具之夫陛廉之增所以隆堂奧位次有叙所以尊朝廷朕既樂得於英才復以時而遷用庶幾華國非以寵卿祇率厥常毋廢朕命

賜王存辭免恩命不允斷來章批荅口宣

元祐三年

有救卿純忠許國推望在官以次升義無足避其

四月十四日

龍以副眷懷

賜新除中大夫守尚書右丞胡宗愈辭免恩命

不許斷來章批荅

元祐三年四月十四日

夫之卿自天官擢領風憲下有庇民之意上有愛君之忠度其不以利回是故可以大受丞轄之任非卿孰宜毋復固辭以就遠業

賜胡宗愈辭免恩命不允斷來章批荅

元祐三年

四月十四日

省表具之人才之難古今所病忠厚者多乏於用強濟者或涼於德有德適用如卿樂人方觀卿謀國之

良以成朕知人之美深體此意往祇厥官

賜胡宗愈辭免恩命不允斷來章批荅口宣

三月十四日

有敕卿雅望在人純忠許國既以量進胡為力詞宜體至懷即膺成命

賜新除依前中散大夫充樞密直學士簽書樞

密院事趙瞻辭免恩命不允斷來章批荅

元祐三年四月十日

省表具之君子之仕也善於知而樂於用如卿之言結髮從仕而白首遇合則君子之用舍進退蓋亦有

時矣勉行其道無失斯時苟能遇亨而必為則亦立功之未晚古人之事將見於卿

賜趙瞻辭免恩命不允斷來章批荅

省表具之卿挺然孤忠白首一節逝將力求於退避

夫豈有意於進取哉特以雅望既隆公議所在方

將度才而授任固難越卿以用人往踐厥官毋

違朕志

賜趙瞻辭免恩命不允斷來章批荅口宣

元祐三年四月十日

有敕朝廷用人議論先定不次之與非卿孰宜亟服

休恩母煩固避

閣門賜新除守司空同平章軍國事呂公著告

口宣 元祐二年四月七日

有敕卿正位三公具瞻多士方資坐論以副仰成體朕眷懷服此明命

閣門賜新除宰相呂大防范純仁告口宣 元祐

四月七日

有敕朕稽參衆庶登用俊良並選宰司同陞揆路祗承明人仰副眷懷

閣門賜新除司空同平章軍國事丁呂公著辭免冊禮

許誥 元祐三年四月十五日

敕公著多儀以降輔弼國之彞典自損以信君父卿之美志再閱誠言之請益彰謙德之光勉徇所陳不忘嘉歎

賜新除司空同平章軍國事呂公著辭免冊禮

允詔 元祐三年四月十五日

敕公著冊祝於廟惟周之典臨朝親拜亦漢之舊事大則禮重禮重則樂備古之道也今卿遜避不居自處以約勉從所乞以成其美

賜新除試御史中丞孫覺辭免恩命不允詔

三年四月
八日

敕孫覺卿三居諫省皆以直聞蓋嘗遇事以建言志
在行義以達道擢為執法實允僉言以卿直諫多聞
而朕開納不諱固無觀望難言之病豈有喪失名節
之憂哉載閱來章甚非所望

賜新除翰林學士朝請大夫知制誥許將赴闕

詔元祐三年
四月十二日

敕許將卿敏而好學達於從政出殿方國則脩儒術
以飾吏事入洛顧問則酌民言以廣上聽待命北門
既為內相雖於卿為舊物實當今之高選亟欲展

佇聞嘉猷

賜許將辭免恩命不允詔元祐三年
四月十八日

敕許將進以經術當詔我以安危來自西南固知民
之利病渴聞謹論少副虛懷而乃退托無能力辭舊
物既非所望其可曲從

賜河北西路諸軍秋季銀鞋兼傳宣撫問臣寮

將校口宣元祐三年
四月十八日

有敕汝卿等憂寄之深疆事靡盬養言勞勩相心各平
寧體我至懷受茲時賜

白溝驛賜大遼賀坤成節人使御筵兼傳宣撫

問口宣 元祐三年四月二十二日

有牧卿等遠涉暑途來陳慶幣眷言徒御久犯風埃
往錫燕娛少休行役

東坡內制集卷第八

元祐三年端午貼子詞

皇帝閣六首

其一 五言

盛德初融後濟陰未始時侍臣占易象明兩作重离

其二

孫秀擯君手芳爭儲百藥良太醫初薦芝蔴草驗譜

其三

微涼生殿閣習習滿皇都試問吾民愠南風為解無

其四 七言

西檻新來玉宇風侍臣茗盃得雍容庭槐似識天顏
喜舞破清陰作兩龍

其五

講徐交翟轉回廊始覺深宮夏日長揚子之心空百
鍊只將無逸鑑興亡

其六

一扇清風灑面寒應緣飛白在冰紉坐知四海蒙膏
澤沐浴君王德似蘭

太皇太后閣六首

其一
五言

清臺通翠浪暑殿轉清風簾捲東朝散金烏未遽中

其二

日永虬螭收簇風高麥上場朝來籍田令菰黍獻時芳

其三

舞羽諸羌伏銷兵萬彙蘇只應黃紙詔便是赤靈符

其四
七言

令節陳詩歲歲新從臣何以壽吾君願借醫國三年
艾不作沉湘九辨文

其五

忠臣諒節今千歲孝女孤風滿四方不復巫陽占郢

夢空餘仲御扣河章

其六

長養恩深動植均只憂貪吏尚殘民外廷已拜臯羹
賜應助吾
君去不仁

皇太后閣六首

其一
五言

露路簾琴書冷瑠盤餐餽新深宮猶畏日應念暑耘人

其二

萬壽苜蒲酒千金琥珀盃年年行樂處新月掛池臺

其三

翠屏筒初室棟簾黍復纏菰水殿開冰鑑瓊漿凍玉壺

其四
七言

秘殿扶踈夏木深雨餘初有一蟬吟應將羸女乘鸞
扇更助南風長棘心

其五

上林珍木暗池臺蜀產吳包萬里來不獨槃中見盧
橘時於糞裏得楊梅

其六

閔楚遺風萬古情湘沅舊俗到金明翠輿黃繖何時

幸盡鵷飛鳥盡日橫

皇太妃閣五首

其一 五言

午景簾櫳靜薰風草木酣誰知恭儉德絲縷出親蠶

其二

雨細方梅夏風高已麥秋應憐百花盡綠葉暗紅榴

其三 七言

辟兵已佩靈符小續命仍縈絲縷長不為研禳得天
助要隨風俗樂時康

其四

玉盆沉李灑清泉金鴨噓空裏細煙自有梧楸郭畏
日仍欣麥黍報豐年

其五

良辰樂事古難同繡璽朱絲奉兩宮仁孝自應標百
沴艾人桃印本無功

夫人問四首

其一 五言

肅肅槐庭午沉沉玉漏稀皇恩樂佳節闔草得珠璣

其二

節物荆吳舊嬉游禁掖闕仙風隨畫筭拜賜落人間

其三 七言

五綵縈筒林稻香千門結艾鬢髮每張旋開寶典尋風
物要及靈辰共校禳

其四

欲曉銅餅下井欄鏗鏗金殿發清寒似聞人世南風
熱日上墻東問幾年

賜大遼賀正成節人使生餽口宣

元祐三年五月十日

有敕卿等肅將鄰好來慶誕辰徒馭久勞館宇初定
宜頒委積以示寵章

賜新除依前朝散大夫守尚書吏部侍郎充龍

圖閣待制傅堯俞辭免恩命不允詔

元祐三年五月二十三日

敕堯俞夙望所在舊疾既平及茲言還慰我虛佇徒
得君重雖暫屈於淮陽雅意本朝寧久安於馮翊復
求自便殊異所期往修厥官務稱朕命

故皇叔祖昭信軍節度使檢校司空開府儀同

三司漢東郡王宗瑗祭文

堂祭

惟王之生令德孝恭云何不淑雁此閔凶無復會朝
載惻予哀往奠其寢維以飾終

故皇叔祖昭信軍節度使檢校司空開府儀同

三司漢東郡王宗瑗祭文

下事

嗚呼死生之變賢愚莫逃日月有時義當即遠哀榮之極禮以告終來舉奠觴往安窀穸

賜守尚書右丞胡宗愈乞除閑慢差遣不允詔

元祐三年五月二十七日

宗愈朕開獎言路通來下情雖許風聞猶當核實豈以無報之語輕搖輔政之臣朕方馭衆以寬退人以禮加之美職付以大邦朕既無負於聽言卿亦何嫌而避位祇服乃事毋自為疑

賜正議大夫知樞密院事安燾乞退不允批荅

元祐三年五月二十八日

省表具之宥密之司安危所寄雖美羌酋款塞少休烽燧之虞而夏童跳邊猶煩籌策之馭翻然求去義有未安夫以朕大烹優賢之資豈不能助卿養志之具足以母廢子職而能兼為國謀豈不休哉

賜正議大夫知樞密院事安燾乞退不許批荅

元祐三年五月二十八日

有表具之乃眷西樞實參大柄吾欲兵民兼利戎夏兩安非宿業更變之臣懼有傷財玩寇之患卿當念先朝委重之久未可以親庭歸養為詞勉安厥官以副吾意

賜安燾乞退不允斷來章批荅口宣元祐三年六月一日
有敕卿以舊德首冠西樞雅望既隆仰成彌重宜安厥位以卒輔予

後苑瑤津亭開啓祈雨道場齋文元祐三年六月一日

六月徂夏方金火之爭三農望秋之雷雨之施嗟人何罪逢歲之艱自非妙覺之等慈孰拯疲氓於重困有嚴禁苑祇建淨筵念我憂勞錫之膏澤非獨起焦枯於田野抑將掃疾疫於里閭嘉與含生永均介福

後苑瑤津亭開啓謝雨道場齋文元祐三年六月五日

伏以祗畏之心格人天於影響普覺慈之力反水旱

於屈伸周澤載濡農田告足既解蘊隆之患庶無流潦之虞仰冀能仁曲垂昭鑒

永裕陵正月旦表本

伏以賓出日於賜公亮歷方頒朝計吏於原陵漢儀具舉恭惟謚號皇帝功馭禹迹德邁湯仁雖歲月之屢遷想威神而如在載瞻園寢空極望思

永裕陵二月旦表本

伏以時方啓蟄禮及獻羔感清衍之協風林懷思於濡露恭惟謚號皇帝文武緯世聖靈在天岱裁泥金夫講升中之禮荆山鑄鼎遽成脫屣之游永望寢園

徒增感慕

永裕陵四月旦表本

伏以日躔昂畢卦直乾際物象長養之仁世載文明之化恭惟謚號皇帝功成不宰德範無窮執炎帝之衡莫追往躋秩南郊之政空守成規祗望寢園惟增感慕

永裕陵十月旦表本

伏以戒寒墜戶倏及於秦正前晦行陵祗循於漢禮恭惟謚號皇帝懿文緯世厚德載時休老勞農追述養民之政厲兵講武敢忘經國之謀永望寢園益增

感慕

永裕陵十二月旦表本

伏以商正紀歷大呂旋宮論時令以待來歲之宜以民力以共宗廟之祀恭惟謚號皇帝至仁無外全德難名文物聲明但親乘時之迹昆蟲草木孰知成歲之功急景易遷永懷何極

賜尚書右僕射兼中書侍郎范滂仁生日詔概

三年六月九日

敕純仁卿河嶽之靈神明所相載更誕日永介壽祺體我春懷受茲寵錫

賜北京恩異等州脩河官吏及都運運使運判
監丞等銀合茶藥并兵級等夏藥特支兼傳宣

撫問口宣

元祐三年六月十四日

有敕卿等夙夜河壩暴露野次屬茲暑雨深軫予懷
往示寵頒少慰勞苦

撫問保寧軍節度使知大名府馮京兼賜銀合

茶藥口宣

元祐二年六月十七日

有敕河役方興吏士在野暑雨之除綏御為勞膺此
寵頒尚加慎護

賜河西軍節度使以西蕃遼川首領阿里骨進奉

回詔

元祐三年四月二十二日

敕阿里骨惟爾祖先世篤忠孝本與夏賊日尋干戈
亦惟恃我朝廷爵秩之隆用能保爾子孫黎民之衆
肆朕命爾嗣長乃師而承襲以來強酋外擅爾弗能
禁恣其所為遂據洮城以犯王略陰連夏賊約日盜
邊朕愍屬羌之無辜出偏師而問罪元惡倖獲餘黨
散亡山後底平河南綏服朕惟率酋豪而擇疆場乃
爾世功叛君父而從仇讎豈其本意庶能改過未忍
加兵果因物以貢誠願洗心而效順爾既知悔朕復
何求已指揮熙河路更不出兵及除已招納到部族

外住罷招納依舊許般次往來買賣及上素進奉爾
宜約束種類共保邊陲期寵祿於有終知大恩之難
再勿使來款復為虛言

賜太中大夫守尚書左僕射兼門下侍郎呂大

防生日禮物口宣

元祐三年六月二十二日

有敕乃眷良辰篤生元輔豈獨播紳之望允為河華
之英今遣爾甥往致朕命受茲休寵永介壽祺

賜皇弟山南東道節度使開府儀同三司大寧

郡王佖生日禮物口宣

元祐三年六月二十二日

有敕乃眷賢王篤生茲日本枝之慶華萼相承宜分

廐庫之良以致喬松之壽

賜正議大夫守門下侍郎孫固生日詔

元祐三年六月二十

三日

敕孫固錫圖任之舊措紳所推難老之祥神人攸相
載更良日益永壽祺申以寵章式隆眷遇

賜正議大夫知樞密院事安燾生日詔

元祐三年六月二十三日

敕安燾桑弧告慶降哲輔於茲辰綵服拜嘉冠榮名
於當代祗服朕命益壽乃親

賜五臺山十寺僧正省奇已下契諭敕書

元祐三年

六月十八日

敕清涼之峯仙聖所宅爰修淨供以慶誕辰再省恭
勤不忘嘉歎

玉津園賜大遼賀坤成節人使射弓例物口宣

元祐三年七月九日

有敕卿等既陳慶幣復展射侯豈獨娛賓亦將觀德
宜有珍良之錫以旌審固之能

賜殿前司罷散坤成節道場香酒果口宣

元祐三年七月九日

有敕卿忠存衛上義切戴君爰祝壽山克成梵供宜
加寵錫以示眷懷

賜宗室開府儀同三司以下罷散坤成節道場

香酒果口宣元祐三年七月九日

有敕卿以令德懿親共輸誠悃名蓋法供虔祝壽祺
既徹淨筵宜加寵錫

就驛賜大遼國賀坤成節人使宴口宣

元祐三年七月九日

有敕卿等遠馳使傳來會誕辰言念勤勞宜加旌寵
特頒燕喜以示眷懷

就驛賜大遼賀坤成節人使花酒果口宣

元祐三年七月十日

有敕卿等肅將慶幣來舉壽觴臨遣輔臣往頒燕豆
仍加寵賚以示眷懷

賜大遼人使賀坤成節入見訖歸驛御筵口宣

元祐三年
七月八日

有敕卿等初提使車已陳慶幣退安館舍往錫燕觴
式示眷懷且旌勞勩

賜大遼人使賀坤成節入見訖歸驛酒果口宣

元祐三年
七月八日

有敕卿等廷庭致命統轄即安少休行役之勞宜示
眷懷之異式昭寵數往錫甘芳

班荆館賜大遼使賀坤成節入使回程御筵口宣

元祐三年
七月八日

有敕卿等使事畢陳還車載啓改轅而北弭節少
留就錫燕嘉式昭禮遇

大皇太后賜門下手詔元祐三年
七月八日

敕門下 皇帝嗣位于茲四年華夷來同天地並應
而皇太妃以恭儉之德鞠育之恩雖典冊以時奉行
而情文疑有未稱皇帝以祖考之奉尊無二上而吾
惟春秋之義母以子貴其推天下之養以慰人子之
心宜下禮部大常寺討尋如於典故有褒崇未盡事

件令子細開具聞奏

賜馬步軍司罷散坤成節道場香酒果口宣

三年七月十二日

有敕卿等共整臣衷力祈慈壽爰修法會日亦既告成宜有寵頒以旌誠懇

賜知樞密院事安燾已下罷散坤成節道場香

酒果口宣

元祐三年七月十二日

有敕卿等忠存廟社義篤君親嘉法會之有成祝聖齡於無極宜加寵賚以示眷懷

賜皇伯祖嗣濮王宗正已下罷散坤成節道場

香酒果口宣

元祐三年七月十二日

有敕卿等為國懿親助我孝治祝慈闈之永壽成法會於茲辰宜有寵頒以旌忠悃

賜皇叔楊王醴泉觀罷散坤成節道場香酒

果口宣

元祐三年三月十一日

有敕卿等以周邵之親躬任妣之養力祈壽嘏祗扣佛乘既徹淨筵宜膺寵賚

除苗授特授武泰軍節度使殿前副都指揮使

勳封食實封如故制

元祐三年七月十二日

門下出給元戎作先聲於士氣

尚環且富軍政於

國容將神閭外之威以迪師中之吉咨于尔眾朕得
其人侍衛親軍步軍副都指揮使威武軍節度觀察
留後持節福州諸軍事福州刺史上柱國濟南郡開
國公食邑二千八百戶食實封三百戶苗授早以異
材見稱武畧被服忠義有列文夫之風砥礪庶隅得
士君子之槩荐揚邊圉益者勞能拔自衆人既蒙
先帝之遇遂拜大將無復一軍之驚祗在殿巖肅
將齋鉞予欲少長有禮而兵可用汝其夙夜在公而
令必行於戲愛克厥威罔功茲為深戒師衆以順為
武古有成言惟懋乃衷毋忘朕訓

賜太師文彦博已下罷散坤成節道場香酒果

口宣

元祐三年十一月十二日

有敕元老在廷百官承式啓法進於梵宇祝壽嘏於
慈闈宮有寵頒以助燕喜

相州賜大遼賀坤成節人使却回御筵口宣

三年七月十三日

有敕卿等遠飭征驂少休近郡載惟勤勤良極軫懷
往錫宴觴以華歸騎

瀛洲賜大遼賀坤成節人使回程御筵口宣

三年七月十三日

有敕卿等遠聘通歡言歸復命改轅北道弭節邊城
宜錫燕觴少休行役

賜護國軍節度使濟陽郡王曹佺羅散坤成節
道場香酒果口宣 元祐三年七月十三日

有敕卿以耆德首冠戚藩虔祝壽禧告成法會宜加
寵賚以助燕私

班荆館賜大遼賀坤成節人使回程酒果口宣

元祐三年

七月十三日

有敕卿等致命言遠改轅伊始暑出方作徒馭實
勞宜有寵頒以昭眷遇

西嶽廟開啓祈雨道場青詞 元祐三年七月十三日

伏以二華之學作鎮於西極兆人所多心望歲於秋成
穀既日滋一雨不時濡致以病告于我有神閱茲將福
之苗賜以崇朝之澤惟神之德非我敢忘

奉宸庫翻修聖宇等庫了畢安恣怨土地道場疏

文

伏以貨幣所藏有壞必葺聰直之鑒盈以成乃安爰仗
佛慈以綏神宇庶期昭格永底純熙

賜新除殿前副都指揮使武泰軍節度使苗

授上第一表辭免恩命不許斷來章批荅 元祐三年

七月十九日

省表具之試材已舊謀帥尤艱故以久深練於事而卿辭以錮疾豈所望哉速退避

用人欲其乃官毋復

賜新除殿前副都指揮使武泰軍上第二表辭免恩命不允斷來音覽表具之環衛之嚴節制之重誕告多朕輕用其人哉確然固辭未喻厥指往乃官

度使苗授
卷元祐二年七月十九日
以長萬夫
朕命毋曠

賜新除殿前副都指揮使武泰軍

度使苗授

有敕卿早練武經晚著邊効進持節賞允愈言矧以次遷無煩懇避

賜于闐國黑汗王進奉示諭敕書元祐三年五月一日

敕卿恪居蕃守申遣使車來款塞垣恭脩壤貢忠誠遠達褒歎良深

賜于闐國黑汗王進奉敕書

敕卿守土而極馳誠中華驛馬充庭尚識漢儀之舊織皮在誰聊觀禹貢之餘載者忠勤不忘嘉歎賜于闐國黑汗王男被令帝英進奉敕書

教汝世敦忠一得志慕聲明遠附奏函亦馳貢篚載惟
恭順良極歎台

賜皇叔新除徐王上第二表辭免恩命不允斷

來章批元祐二年八月十五日

有敕朕始升你方以昨封父庶幾大彭之壽罔愧元
王之賢毋復屢辭函雁月成命

示諭武元祐三年八月

十八日

敕朕以苗授材勇嚴馭衆整暇擢爲宿衛之長
寵以節旄之示惟爾邦人當諭朕意

中太一宮真室殿開啓天皇九曜消災集福道

場青詞

臣以冲眇嗣承列聖之休濟于艱難實賴文母之
德臨蒞四載勤勞百爲畏天之威未嘗終日而豫怠
視民如子惟恐一夫之困窮伏願上帝降祥衆真垂
佑消禳災沴永底壽康恭陳寶籙之科仰扣神游
之館敢祈昭鑒下察孝心

國

東坡全集卷之八

七

